山庫全幸

史部

一次定四年全十二 明儒言行欽 永樂茂子舉人授山西霍州 專静事父母最孝及喪五味 安化縣知縣沈佳撰 務躬行實踐日事著述

舉授霍州學正十餘年士子皆服從其教循循雅飭 書以呈父其言曰佛氏以空為性非天命之性人受之 中老子以虚為道非率性之道共由之路永樂中以鄉 於禮義都人亦皆熏陶而化愛之如父母方岳重職不 信佛及聞先生言聖賢之道即從之於是作夜行燭 巫 興指縣上書請毀淫祠年荒勘販存活甚衆父好善 以屬禮待至其郡必敬謁之凡考校諸庠生必請此 口寢苫枕塊始終不易既葬虚墓六年不用浮屠

弟子亦上表争之霍州先上得兄後竟終於霍 スコラ 彭幸庵澤口我朝 罷市巷哭童子亦悲泣其德化感人如此有四書詳說 意劉公潜溪宋公至於道學之傳則斷自澠池月川曹 語家規輯存疑録等書宣徳九年卒後諡請修敢做 先生始也 生主其去取後調蒲州學正霍庠弟子上章留之蒲庠 極圖通書西銘釋文孝經述解性理文集儒家宗統 代文明之盛經濟之學莫盛于 明君言于 郡

金安四月生き 蒲二年學正三典陝西文衡四方學者從之甚衆虚往 高景逸口學問並無别法只依古聖賢成法做去體 了人儒故學問不贵空談而貴實行也 行去将古人言語器闡發幾句並無新奇異說他便成 川先生是理學之宗看他文集不過是依了聖賢實落 得上身來雖是聖賢之言行即我之言行矣我朝曹月 、治家事親奉先化俗率自躬行心得以推行之為霍 深曰先生少負奇質知讀書即慕聖賢之學修己 贴

彭澤 欠いのるとこう 薛文清賛曰質純氣清理明心定寫信好古距那開正 所著四書詳說要皆羽翼朱傳當訪其遺書并考論之 實歸各有成就河東薛文清公最推尊之子少常得其 陳建曰曹月川學行猶在吳康齊之右楊方震理學 乃載康喬而遺月川豈薄其為校官耶正徳中大司馬 駵 從祀孔子廟庭 稱月川為本朝理學之冠又致書河南巡撫請 理學 宗傳 明儒言行欽 録

知愛敬飲食必讓父母兄長出入先後必後長者父母器 先生自少特異於人與羣兒遊必挺立不妄戲謔言笑 金グロアノニー 有德有言以淑後人美哉君子光輝日新 以答明年始入里學讀孝經曰不如是不成人子 曰儼然老成端人因名曰端七歲從父遊學官見有 分陰陽也歸畫圖于地問父曰與書上相似否父益 河圖洛書者問曰此星子黑白不同如何其人異之 一日見風雨雷電虹霓問父曰是從何處起父 無

欠足四東へいる 已任 况常人乎因建勤苦癬以陳經籍年十八為邑弟子員 定其賢否雖周公孔子之聖猶且朝讀百篇章編三絕 初讀辨惑編而好之至是志意坚定始卓然以斯道為 然後編讀通鑑綱目諸子史百氏之書以考覧得失而 四書天下萬世言行之繩墨也不可不使之先入於心 非大丈夫也至十五盡讀四子五經能通其義曰六經 人生上戴天下履地參兩問而立者不能以忠孝立身 T 明儒言行錄 四四

歸 有 李白雲同升講席久而愈敬霍州饑則分俸濟諸生貧 之者勘州發倉販民多所全活 不知化乎先生聞之曰十室之邑必有忠信訪其姓氏 先生之為霍州學正也教人以踐履為主始至與霍 蒲州學正與州人王士希為友凡所以行己教人 郡志中 也機者曰曹郡博有道人也以有道者信教吾霍可 樵者鬻新誤得金似明日歸其主或曰辛苦得金何

|妻妾之分斤釋老之教一舉而三善備矣自蒲而復教 聚學者講習其中而四方來學之士日益衆門人清板 生口今幸識曹先生矣為建頌書閣以貯上所頌經籍 生善乃本濂溪壮賦之古為之記晉定王過霍延見先 於霍當察批集于霍庠時薛文清公方為大理御與先 肯服衰責以大義使服之敏歸大院曰寫朋友之義嚴 敏在京師其妻死先生主喪事不用浮屠母感其多不 如霍諸生有欲作佛事墓其親者以道諭止之司訓周

欠いることか

明備言行張

惡言人過言語談和禮貌恭肅未當以賢智先人雖隆 冬盛暑不冠帶不見諸生有所叩問縣據事理以應之 自奉甚薄衣取旅體食取充口出入不騎乗喜稱人善 近來觀者幾千人應差三年不食菜菓鹽鹽負土成丘 先生居喪苦塊飲水形容哀毀杖而後起吊於者及遠 先生一人而己 謝琚志其墓謂郭魯河洛之教復見於今日師道得 柏成林靈雀巢於樹維克馴游其問人稱孝感云

次ピコードノニケー 事事都於心上做工夫是入孔門的大路 靖修語録 也爾曹母污我卒五十九 樂道其善馬 語諸子曰吾平生不喜佛老不悅齊雕惡其害道亂正 先是州大夫入問疾先生曰諸大夫能寬一分則民受 故賢者慕其誠雖婦人女子走卒樵夫皆知稱其名而 分之賜謂諸生曰賢董尊所聞行所知吾無遗憾矣 明儒言行録

象之可見無聲氣之可聞無方所之可指而實充塞天 天地問凡有形象聲氣方所者皆不甚大惟理則無形 地貫徹古今大熟加馬故周子言無極而太極 者莫切於此 欿 非禮勿視則心自静 則自無入而不自得 誠足以消萬偽一敬足以敵千 那所謂先立乎其去 人須向志士勇士不忘上參取若識得此意便得此

聖人所以為聖人只這憂勤惕厲的心須臾毫忽不敢 能真知義理之味無窮則窮達自不足以動念 是静故口無欲而静到此地位静固静也動亦静也 學者須要識得静字分曉不是不動便是静不妄動方 生死路頭惟在順理與從欲 外 理本無隱顯內外要當時時省察常瞭然於心目 不可使有須臾之離以流於人欲而陷於禽獸之城 不躁則內静外不妄則內專此是事心關要處 ~

次色のころこう

明儒言行領

尚 便是真箇仁義便是真箇義更無不實處 天無不實寒便是寒暑便是暑更不待他恁地聖人 自逸理無定在惟勤則常存心本活物惟勤則不死 無欲便覺自在 シグレア クラ 能於天命順而不拂受而不拒便是處生死富貴之 不能成况可學聖人耶 只為有欲此心便干頭萬緒做事便有始無終小

Charles Link 善不中節者為惡 孔顏之樂者仁也非是樂這仁仁中自有其樂耳且孔 謹言語以操存此心 今人輕易言語是他此心不在奔馳四出了學者當自 必考於妻子其是之謂數 也使人以道亦行道之見於一事者也古人謂進德者 大抵順理之事則人易從否則雖妻子不能使之必從 性本善而感動處有中節不中節之分其中節者為 明儒言行译

盡信書則不如無書這一章書亦孟子技本塞源之論 金グでたんとこ 帝王記事之書而過實有如此者况後世乎 犯誕妖妄 子安仁而樂在其中顏子不達仁而不改其樂安仁者 之徒索隱行怪欺世盗名之所作不曰經則曰書者之 不憂不憂非樂而何周程朱子不直說破欲學者自得 仁者守之之仁而不改其樂者守之之樂也語曰仁者 天然自有之仁而樂在其中者天然自有之樂也不違

一次ですらしまる 一門 虚空道理在乃與人物不干涉不知道只是人事之理 迷而已故朱子詩曰誰哉繼三聖為我焚其書 神之變鳥獸草木之宜何往非理之有老氏之虚虚而 而有如曰無極而太極太極生兩儀兩儀生四象四象 無如曰道在太極之先却說未有天地萬物之物有箇 生八卦自身心性情之徳人倫日用之常以至天地鬼 異端非聖人道別為一 信耶適足以成人之心壞人之性尊人之惡增人之 明儒言行録 一端者如老佛是也吾儒之虚虚

通範圍不出一心酹酢之通乎萬變為法天下可傳後 益 迹盡欲屏去了一歸真空此等烏能察夫義理措之事業 世 有天地之先為吾真體以天地萬物為幻人事都為 吾儒之寂寂而感如曰寂然不動感而遂通天下之故 此心方其寂然而民奏物則察然具備其中感而遂 何往非心之感佛氏之寂寂而滅如曰以空為宗未 極大罪名他不消說 謂門人佛老不待深辨只廢三網五常這一事己 粗

大婚皆此意 率性之道則知老氏之無者非道矣皆知鬼神之誠則 往簡之人只是自立高了都不理會世事所以易入異 至易首乾坤重成恒詩首關雖戒淫供書紀登降禮謹 際尤見道不可雜處則其所以戒謹恐懼之實宜無不 Jah ... 1... 使天下皆知天命之性則知佛氏之空者非性矣皆知 夫婦之倫最宜者力處朱子曰夫婦之問居室隐微之 知後世淫祀之幻妄者非誠矣 月霜言子读

說耳岩孟子對君事亦勉强不得須學到孟子地位能 後世不知學者所為淺暗拘滞徒激其君而使之距吾 端大率異端是逐世髙尚索隱行怪之人其流為佛老 生死於帶便如釋氏如此等人雖志意高遠非聖人裁 為天下先底意思子桑戶死琴張臨其喪而歌是不以 且如孟之反不伐是他自占便宜處便如老氏所謂不 正之一向狂去更無收然便全不濟事了 此知言養氣後自然這等功用

多定四库全書

懼也 周子五性之中只箇中是最好底性益中則中節也有 立心為生民立命為萬世開太平故孟子辨之者為此 立人之道曰仁與義禍仁義則人道不立何以為天地 顏子之學求至乎聖人之道令人記誦文解豈可與顏 賢退不肖為學不能辨益友损友可乎 子同日而語顏子幾於聖人只是不貳過 人必如孔子視觀察自不能隱不然做宰相不能進

明偶言行張

實不 金八正母全 有 周子所謂 見所見之差流於異端之說矣如此則與不相離之言 言太極者曰先有無極而後太極月川曰只此一句便 極 之先之說同歸於謬豈周子之意哉曰先生如何說曰 無聲氣之可聞無方所之可指而實充塞天地貫微古 謂至極理之別名也太者大無以加之謂天地問 形象聲氣方所者皆不甚大惟理則無形象之可見 相侔與老子道生一而後乃生二莊子道在太 無極而太極者益謂無形象無聲氣無方所 極

太極之先而不知道即太極太極即道以通行而言則 日道 以極致而言則日極以不雜而言則日一夫豈有 孔子而後論太極者皆以氣言老子道生一而後乃生 有至極之理朱子曰上天之載無聲無臭而實為造化 二莊子師之曰道在太極之先曰一曰太極皆指作天 今大熟加馬故周子言無極而太極是言無極之中而 福紐品彙之根私也 三者形氣已具而混淪未判之名道為一之母在

Charles Altho

明高言行張

玉女於成 困窮拂鬱實修省之一機故張子西銘曰貧賤憂戚庸 只心會之何如爾二程得周子之圖說而終身不以示 周子啟千載不傳之秘則孰知太極之為理而非氣也 又曰為學大益在自求變化氣質程子曰學至變化氣 耶列子混淪之云漢志含三為一之說所指皆同微 且理語不能顯點不能隱固非圖之可形說之可狀 非 秘之無可傳之人也

Madra List 克已復禮為仁是孔傳顏之心法也吾道一以貫之是 也 復全是一夫何不一之有哉况所謂已即舜所謂人心 生為人生而復死為鬼往來不已而為輪迴哉 質方是有益此自易其過自至其中之說也 孔傳魯之心法也夫聖人之心法一也何所傳之音不 人氣聚而生氣散而死猶旦畫之必然也安有死而復 所謂禮即舜所謂執中也是則千聖相傳一心法 與益一是仁之體貫是仁之用事皆天理是貫心德 明儒言行張 =

先益仁者孝所縣生而孝者仁所縣行也是故君子莫 人之所自出正派乃皇帝王之所相承所以參天地而 序儒家宗統譜曰是儒家之真源正派也真源乃天地 大乎盡性盡性莫大乎為仁為仁莫大乎仁孝 序孝經述解曰性有五常而仁為首仁統萬善而孝為 已何必其辭之同哉 イングレーノノーまし 人極然其大目則曰三綱曰五常而其大要則曰 而已三皇儒而皇五帝儒而帝三王儒而王皇葵稷

天上 豈 でこう... Till. 月團 晚年有得於太極之古為川月交輝圖以喻其妙其圖 朱子謂釋氏出於自私之厭老子出於自私之巧夫彼 師 教耳帝王一天地之道耳儒家者所以相天地宗帝王 伊傅周召儒而相孔子儒而師然則孔門 可與此同年而語哉 聖賢心公天下萬世之心也道公天下萬世之道也 圆有時川竭為平地依舊一 月川中九月詩曰天上 明儒言丁录 輪月在天所以喻夫 輪映萬川萬川各有 十四 帝王之

金戸口戸一生書 統體各具之太極與萬感之俱寂而一 更號月川子學者稱為月川先生 母夢紫衣人入謁而生膚理如水晶五臟皆見家人 能持眠父貞為荣陽教諭問魏希文范汝舟二先十 薛瑄敬軒先生文清公 祖聞其啼聲曰非常兒也自幼書史過目成誦年 字德温山西河津人永樂卒五進士任至禮部左 侍郎入内閣 理之常存也因 怪

Callon Just 宣 學正脈也遂焚所作詩賦專心於是至忘寢食父移教 監 **鄢陵先生補鄢陵諸生中河南永樂庚子鄉試第** 中尋識之稱數不已 深於理學偶先生與之游處講習源洛諸書嘆曰此道 德初授廣東道監察 御史時三楊當國令人屢邀欲 成進士 識面先生曰某私糾劾無相識之理一 湖廣銀場手録性理大全一書潜心誦讀夜分方寢 明儒言汗録 日三楊於班 士五 峢

為先生召為大理少卿先生初至京居朝房三楊先過 或思有所得即起然燭記之或通宵不寢味而樂之正 先力行而後文藝皆稱之曰薛夫子神道碑 統改元提調山東學校每臨諸生親為講解不事夏楚 安在三楊為謝且曰將來見也知李文達與先生厚召 王振之專政也問三楊曰吾鄉亦有可為京堂者乎皆 不 明日朝退入使人語之終不往振至閣下問薛少卿 值語其僕曰若主之握王太監力也朝罷可即 詣

朝 文·Don Kind 然曰辯冤獲各死何憾馬手持周易誦讀不報及逮至 午門會問先生呼王文曰若安能問我若為御史長自 幼先生得賄故庇死 戳 認緊獄當死人皆危之先生怡 東閣公仰見振皆拜先生獨立振自是街之會指揮来 令轉語之李往道意先生曰厚德亦為是言乎拜爵公 下御史問証服大理販還者三都御史王文承振風古 报经王山欲娶其妾妻持不可妾因誣告妻毒殺夫 謝恩私室吾不為也振知其意亦不復問一日會議 明儒言行録 <u>ナ</u>

先生居家六年留心理學造詣益深以薦起大理丞時 侍郎王偉申救傳詔教之 皆奔走先生神色自若會振有老僕素謹厚不豫事是 當迴避王怒奏先生囚不服問理部排於市殺之門 日哭於厨下振問何為泣曰聞今日薛夫子將刑故泣 訪策馬先生日以天時人事驗之北敵必宵通既而 騎涛都城先生分守孔門都的初疑其迁及接言論 問何以知之僕曰鄉人也備告其實振意解會兵部 卷二

シグレた クーー

中官金英奉使道南京公卿俱錢於江上獨先生不往 本朕簡任非人所得為不許四年秋召為大理卿 叛先生抗章辨之獲免者眾是冬御史劉致薦先生粹 民貸栗国民不得遂火富人屋窟海中王文即訊坐課 景泰元年替川雲轉的贵州尋陞南京大理卿蘇松 乞召供館閣之職保講學輔導必有裨益上曰內 **飭躬進無所求退無所累實君子之儒不宜置之閒** 言行録 理學 名 學 閎 飢

次のりったんこう

明儒言行録

有子孫石亨奮然曰事已定不必多言上召閣臣入 皆曰此正薛夫子也 とりてた 今言 不 于忠肅王宫保就刑先生謂同列曰此事人所共知各 英廟復位召公自大理遷禮部右侍郎兼翰林學士 英賢之至京言於衆日南京好官惟薛仰耳神道 臣骤進誠意未孚一日召入便殿上服短衣小帽先生 内閣侍即李賢喜曰正先生行道時也先生曰其自外 入上處易服入見語及平時皆正心誠意之言左右

なっかっ ニュー 曰我雖因而道亨也 引疾致任得允三日即出城行至直沾遇風雨舟不能 臣石亨等竊弄威權嘆曰君子見幾而作豈俟終日乎 居數月議將遣使求獅子於西番先生諫不聽又見將 退而嘆曰殺人以為功仁者不為也 臣罪問陛下用刑宜體天同列皆無言認減一等先生 先生言陛下復登實位天也今正月陽生乃天之道二 **假糧俱乏日中** 猶未舉火吟咏不報子淳私愠先生 明儒言行録

岳贬憶先生之言曰正乃先生之罪人也 重之一 をりしたと言 居家八年四方學者從之甚衆惨憶以復性立教當日 從此始矣未幾諸公皆下詔獄上以先生學行老成甚 今御史劾之先生謂諸公曰易戒不容春秋譏漏言禍 上惡石亨專徐有貞孝文達許道中退朝謂耿都御史 仕臨行岳季方正請教先生曰英氣太露最害事後 程朱與緊為人處而歐陽公言性非所先誤矣又曰 日奏對誤稱學生者注遂哀

たいフラいる 峻潔於富貴利達泊如也接人無大小衆寡一 安凡解受取予必揆諸義一毫不苟其出處大節光明 體察何事是仁之發見何事是義之發見至於萬物各 然何異買櫃而還珠也 其所寓圖書箴規一言一動於理稍有違失覺身心不 先生學以踐履寫實為本嘗口格物只是箇性吾終日 學者讀書窮理須實見得然後驗於身心體而行之不 理萬理同出一原是其貫通處也每聖賢是師隨 יי דונה 明儒言行录 以誠待

著讀書録二十卷當自身未子後性理已明不必復著書 疾正衣冠危坐而近時还雷震屋白霧上升天順甲中 架上為詩曰七十六年無一事此心惟覺性天通忽遠 六月十五日年七十有六詔贈禮部尚書諡文清成化 日奏疏削其豪皆不存一日檢閱舊書及讀書録束置 問國子監丞李紳弘治問兵科張九功俱請從犯慶隆 程明道許魯齊未當著作而言道統者必歸馬先生平 之其言平易簡切不為穿鑿哥僻之就名臣言

アラスレスと言

學惟此 ステロロンニラ 請勒為家塾敷教且有以資養先生曰昔許魯齊去元 빤 先生疾辭時石亨素敬公來視因曰即不留願為先生 必於智而不循天理之正非聖賢之學也 時有於迎復功者先生曰許魯齊不陳伐宋謀凡事 辛未允議從祀孔廟 命主會試錄首序以正學復性為言或請易曰平生 祖賜勅書以教人魯齊懸之屋梁終身不以示人若 9 明儒言行張 千

講論經書窮完義理自一心一身推之至於萬物萬事 金グロをとき 晚年玩心高明點契其妙有不言而悟者存文建 南陽當國每以書寄先生始終不答門人問之曰昔温 資其養曷若不解官耶亨嘆息而去 並至學 先生剛方正大以聖賢為師處已接物不說隨不屈撓 绿名 然後約之以歸於一其餘子史百家靡不淹貫究竟至 公居洛吕申公當國屢以書起居温公不答其亦此意 臣 宗傳 撰

欠につられたか 先生崛起數百年之後心印濂洛神會珠四學以復 於民生日用而不可缺者也 敬窮理接引後學晚年造詣高明暖履為實益至純熟 手常照目端坐思索有得欣然見於顏面言動舉止悉 具詩文平易冲澹渾成不假雕刻誠所謂布帛赦栗切 接人和氣可掬不語人以其所未至當以程門教人居 极尤邃於性理之學周易太極圖西銘近思録未曾釋 矩度可為人法居家孝弟忠信對妻子如嚴賓及至 明儒言行録 門人 撰文集序 張鼎 主

馬是宜行已立朝磊落潔白終始無虧而立德立言與 又曰孟子之後道不明只是性不明至論所傳之事曰 為本言以明性為先其言曰六經四書性之一字括盡 魚之詠每口道理舉目可見其獨智自詣何如哉先生 明 洒無所顧慮雖劉静修鳳凰翔於千仞之氣象又何尚 仕 壤俱存也 止久速充實光輝許魯齊之後僅見而已其飄然 此性行此性而已嗚呼至矣盡矣若夫風雾之樂為 門人間 脫

次日日祖人口白 本朝理學實始於公求之於宋若濂溪翁惟得其傳欲 棘之鄉線總非罪復起而冬貳鄉掌制以弼以承豈寶 之身心擺脫私累則身心皆天理矣又曰某二十年治 力行好古進題有程寤寐河洛以完春陵數歷外憲大 日聖人千言萬語皆說人身心上事誠能因其言反求 先生自少即厭科舉之學慨然有求道志學務力行當 怨字尚不能消磨方信克已之難 為景逸撰 物而志可行乞年以退維道之積數部 明儒言行録 Ī

ながんしんと言 劉念臺曰薛文清隨處體認天理之學 考無從復性之教最為有功孔孟程朱平生所宗讀書 住人口竊謂朱子之學真西山得其正許魯齊得其 録無理不窮太露天機豁我嗣蒙楊廉 其不差矣 大薛敬軒得其純願學朱子者從是以入德馬庶乎 按先生微言盡在讀書録學者精察熟玩當自得

要窮理以擴其欲力行以踐其實潜心孔孟寤寐程朱 嘉靖中科道維遵馬三樂等會議曰故禮部侍郎薛瑄 是文清的 轍窮達一心夷險一節真欲實踐今之真儒也 彭氏時曰先生心契乎性理之淵源行蹈乎聖賢之軌 顧涇陽曰薛文清讀書録似乎句句是現成的不曾使! 自家此子意思只句句從躬行心得中拈出來便句句 河沙之霸秀接冰四之正傳學以復性為本以敬為

をううころとう

明偽言行録

至

而 而珠理一分殊之實非惟不足以明道而適所以病道 正直不畏强禦清修苦節可質神明拳拳乎致君堯舜 也兹欲挽之于正惟在表章真儒使卓然知所崇尚庶 顿悟為妙而略居敬窮理之功論道體者以幻空為言 厥志知行兼全表裏無問誠昭代理學名臣之首出統 自許衡而下造詣未有或之先者也夷及其平生剛方 不隨世以就功名侃侃乎許身稷契而不因難以移 無雜者也別今士司漸流道負日晦講良知者以

全タにだ

八二百

著其於世教非小補云 5/11.17 101 練治體者一二十人使之更代入直皇上视朝之暇日 學術純正持已端方謀深慮遠才識超卓通達古今明 先生勸開經筵講學疏略云選公卿侍從文學之臣有 乎彰懿行於將來振儒宗於百代大道昭明而正學不 庸兼構尚書春秋諸史則資治通鑑網目務要詳 說聖賢修已治人之要懇切開告帝王端心出治之 便殿即召各臣進講其所讀之書先大學論語孟子 11.1.10 明陽言行張 千四

資於成大功數大難宜急行之而不宜緩馬者也 安為何事而天下華亂與大賞善罰惡之典任賢去邪 聖德日新於以修治道則正心以正朝廷正朝廷以正 講官之職既修而朝夕緝熙啟沃之力亦有資於聖心 之道莫不畢陳於前如此則勸講之官庶可日修其職 百官正百官以正萬民而治道有修明之效此講學有 先生日余昨自京師來湖南瀬行僚友有誦唐人此 方以至唐虞三代漢唐宋以來人君行何道而天下治

金グにたんご言

医

欠いのはいこう 取氏日關中日涇野記公祠述立朝風節詳矣然公非 本矣公嘗曰心中無物其大浩然無涯曰萬物不能 直緣然以名節自樹者讀其書調誦其緒言益亦有原 是厭科舉之學慨然有求道志精思力踐言動必質諸 諸 自幼書史目朝成誦端重不為兒嬉年十二元儒魏范 多寶玉慎莫厭清貧之句余不忘其規戒之厚先 公與講論經史名理退謂人曰聖門有人矣先生自 有不合終夜反側不銀 明常言于派 圭

者觀之亦足羞矣世何賴馬 南京大理寺卿守備中官與安表誠時無抗禮者先生 宗曾曰格物只是格箇性玩諸緒言誠亦知性者哉學 至安謂人曰此與王振作對頭者何可屈耶午節 先生登第時學士楊文貞欲館之訓諸子先生固辭陛 始寡欲者便無事心便澄然余惟先生之教以復性為 天之大萬事不能礙心之虚曰無欲非道入道自無欲 知性而浮慕先生風節鮮不為殉名釣奇者由有道 5

金ケビをノニー

やでいるという 意小智自持其身而欲事業名譽比候前賢難矣哉其 讀書録有云韓魏公范文正諸公皆一片忠誠為國之 之安其言雖間有可疑然察其所至少見有能及之者 心故其事業顯著而名望多動於天下後世之人以私 羅整庵曰薛文清學識紀正踐履為實出處進退惟義 先生曰此朝廷禮不敢受世宗 可謂君子儒矣 住按整魔所疑者氣有聚散理無聚散之說 困知記 下同 明儒言行録 支

孝宗初給事張九功言瑄尚真知尊躬行任則體國學 於為學之日 主忠信以為學則必有忠誠以事君事君之忠當素定 言甚當薛文清益有此心非徒能為此言而已大抵能 以明道濂洛之源流軍懷之步武惟陛下以孔子之道 庭詔祠瑄於鄉九年給事楊廉言瑄所著讀書録旨 治天下辨真偽別純駁俾人知所向臣謂瓊宜從祀廟 洛陽問馬錫白良輔成寧張鼎其著也

次でする からう 崔後渠曰先生之佐大理王振引之也當時若解而 往豈不愈於抗而得禍與于忠肅有社稷之功其受害 亦無無理之氣不可易矣 先生以復性為宗濂洛為與所著讀書録大概為太極 祠 年精思有益後學乞板置國學俾諸生夢印誦讀賜鄉 圖 驗身心非欲成書也其謂理氣無先後無無氣之理 额口正學 說西銘正家之義疏然多重複雜出未經刪削益 明儒言行録 惟

紫衣兆母齊之夢 吕涇野曰先生今代儒之道學其一 先生之道者當觀之太極可也 偉 也先生固争之矣争不得即以此事而去尤為光明俊 其智鄰神年方垂髫參議欲請見而不往謂李 人白良輔曰太極之實不過乎中正仁義而已欲知 家人 開哭都止五臟露如水晶其清透骨七歲通乎家人乃欲五臟露如水晶其清透骨七歲通乎 MILLINE. 索衣人來 啼聲動祖義之下母於就館夢啼聲動祖義之下 人乎先生之生也 生先

欠の可言へいか 悔您姦伸法雖豪右之罔赦 敢 法多師 撫苗檄方馳而蠻平 不敢以勢自處雖卻扇而不怒大監 之髙 敢天受疏 教客 如難從於權勢奚顧玉田謫戍皆元之者儒也 先生站君皆 自居稱聖門之有 保求識面而不得楊文貞道若可行雖早官 講學以樂侮敵既入而處退之也布思 以友處人 明儒言行録 語贵州 在南京或雪夜以抄經 先生方十五六隨父在 田 辨冤獲各逆師保而 金陵鎮守皆時之巨墙 誻 史論者永嘉 **岛與** 先安 生汞 誠 觪 口於 徐 信

受爵於公朝不知私室之謝思欲傳道與來學豈對科 思比於劉球英廟易服以見若昔及點之必看石亨請 イジグル 勒與歸則必許衡之懸梁見幾而行於體酒不設之時 舉之旁問稱病出閣軍犯乎吉祥問諸公拜 狱院而誦易調 以方其清也為級栗布帛之文録讀書而究性理 户牖之志監銀場而點貪墨一時軒帆此內諸公 福納得書而此於居洛不答之老諸母李賢守車 上生 馬 顺王板法若可伸於軍妻之必辨 慷慨就 不

ヤアロミノンラ !! 後未有見其能此者也故當其存時或曰今夫子 同潜學孔顏抗志程朱老不殊壯困未改通許魯齊 先生以力行為讀書以明道為修解清而不能異而且 或議其節張統許觀到球周是節矣人或議其幾以 稱或曰真鐵漢過班李或曰好官一 勉王並子該有以身狗國之勇盡精微恐不逮若乃 諸公不足以並其文也故蹇夏三楊勲矣 胡后有極高明之學道中庸恐未同黃 明儒言行録 英稱 或

不愧 間或日本朝理學 日之舉 其不平者止權貴耳及其既及或曰今之真儒當 往哲 侑食廟庭無私 人人 降文 郎或曰潜心 ·振颓風而警後世廣德意而顯前哲宣為泰 事中張 冢宰 何 清 奏 己時 或曰明體適用此明大儒當入從祀 理學可紀廟庭 守序 冢牢蚕 提轉 李賢稱或曰學已至乎樂地 或回躬行實踐興 其未祀者益有待耳然 **讃布** 奏政 許 或口有 且士

をこのない 横渠張子云心中所開即便割記不思則還塞之矣余 讀書録 讀書至心有所開處隨即錄之益以備不思而還塞也 霧釋則毅絕肖伊川其氣象亦類之 謹乎難進易退之操 先生書似文公體甚適勁惜乎無存 人孝泉曰先生之怒也如雷迅風烈其過也如雲 王英口先生之學造乎無極太極之妙先生之行 明儒言行録 Ŧ 淪

化各具者即小德之川 若所見之是否則俟正於後之君子云河東薛瑄謹識 私柔雜之也故貴乎自强不息統體一太極即萬殊之 元亨利貞天之四德仁義禮智人之四德天德流行而 不息者剛健而已人雖有是德而不能無問斷者由有 本各具一太極即一本之萬殊統體者即大德之敦 心有一息之怠便與天地之化不相 無性外之物而性無不在故道不可離 流 ルメ

Valoria List 吾於静告亦烦識是理但動有與静違者由存養省察 人心一 之不至也易傳曰易變易也變易以從道也如人之 者便是人欲 欲而中立者也 為學之要莫切於動静動静合宜者便是天理不合宜 飾乎外偽也 理無內外隱顯之間故貴乎謹獨獨處不能謹而徒 一息之頃不在天理便在人欲未有不在天理人 明儒言于疑 루

金罗匹尼在書 輳回環者即其中草木暢茂益高峻直截者氣散走難 曾觀山勢高峻直截即生物不暢茂其勢奔赴溪谷合 少欲覺身輕 畜聚故生物之力薄回環合輳者元氣至此 蓄積包藏 心中無一物其大浩然無涯 静皆變易也而動静之合乎理者即道也

者多故生物之力厚水亦然難石峻即水急而魚際不

淵潭深則魚戲之屬聚馬以是而驗之人其峭急淺

我二十年治一怒字尚未消磨得盡以是知克已最難 露者必無所蓄積必不能容物作事則輕易而察成寬 氣直是難養余克治用力久矣而忽有暴發者可不勉 余每夜就死必思一日所行之事所行合理則恬然安 力而事必成善學者觀於山水之間亦可以進德矣 緩深沈者則所舊必多於物無所不容作事則安重有 終怠也因筆録以自警性非特具於心者為是儿耳目 緩或有不合即展轉不能寐思有以更其失又慮始勤

火足の事に方一門

明儒言行飲

程子曰求言必自近易於近者非知言者也積累之 猛冰之深當别有所見 湖南靖州讀論語坐久 欲淡則心清心清則理見 理為是凡天地萬物之理皆是也故曰天下無性外之 口臭手足動静之理時是非特耳目口臭手足動静 神氣清甚心體浩然若天地之廣大益欲少則氣定 而性無不在 理明其妙難以語 八假寐既

次三可東上方 長進退存亡一由乎理之自然而不自私也老莊必 聖人之所以為聖人以其公天地萬物為一 身心猛省而擺脫盡私累則身心皆天理而大可知矣 聖賢千言萬語皆說人身心上事能因其言以反求諸 輕議然即其書求其心考其行評其出處則二公之實 元人有以北有許衡南有吳澄並稱者此非後學所敢 可見矣 天地萬物極其智術為巧免之計其自私也甚矣 明偽言行録 體屈伸

識高其學純其行為其教人有序其條理精密其規模 止人速之氣象也魯齊不陳伐宋之謀其志大矣世祖 廣大其胸次洒落其志量弘毅又不為浮靡無益之言 許魯齊余誠實仰慕竊不自揆妄為之言曰其質粹其 許魯齊自謂學孔子觀其去就從容而無所係累真仕 而有厭文槃從先進之意朱子之後一人而已 イングト・ル 厚自三代以下道學君子未有際遇之若此也 不能盡行魯齊之道然待之之心極誠接之之禮

朱子於太極圖通書則尊周子於西銘正家則述張子 曾觀周子二程子張子邵子皆與斯道之傳者也而朱 據此朱子以二程子上繼孔孟之統而不及三子與然 子作大學中庸序惟以二程子繼孟氏之統而不及三 信之常以漸及乎精義入神之妙循循有序人得而 孔門教人之法使皆由此而進自酒掃應對孝弟忠 非後學造次所能窺測二程則表章大學中庸語孟 和益三子各自為書或詳於性命道德象數之微

次三日奉人三百一

明儒言行録

書以為大學之基本註釋四書以聖賢之淵微是則繼 博學之功又當兼及三子之書耶及朱子又集小學之 於見則主即子又宣不以進修之序當謹守二程之法 義理之權衡至廣至大至精至客發揮先聖賢之心殆 四書集註章句或問皆朱子萃奉賢之言議而折東以 程之統者朱子也至許魯齊專以小學四書為修已 人之法不尚文解務敦實行是則繼朱子之統者魯 ر ا ا 次で可言という 一人 量也 論諸儒又或各持所見間有與朱子異者若經文集註 拾成說寫以新名街新奇而掠著述之功多見其不知 之意尚不能遍觀而盡識或軌逞已見妄有疣議或勦 心體認而力行之自有所得切怪後人之於朱子之書 固多有發明處但語錄或因人淺深而發或有未定之 四書當先以集註章句為主參之於或問如輯釋諸書 無餘龜學者但當依朱子精思熟讀循序漸進之法潜 明儒言行錄 蓋

余少知王霸之名而不知其實近日方思得之益謂之 章句未通而汎觀此則本義反為所隔使人將有望洋 之嘆若經文集章句或問既已貫通在已之權度既定 無非仁義禮智之充周初無內外隐顯遠近之間也程 王者自一念一慮一心一身刑于妻子達之家國天下 然後兼考諸書則知所擇矣 所謂有天德便可語王道天德即仁義禮智之德王 即是德推之政事達之家邦天下者是也謂之霸者

莊 修德行義之外當一聽於天若計較利達日夜思應萬 而見故周子曰一者無欲也無欲其至矣 形諸念慮身心者無非人欲之私施諸政事征伐者則 此王霸誠偽之所以不同也敷 假夫仁義之名其內外隱顯遠近名實判然不相 子曰嗜欲深者天機淺益嗜欲昏亂此心則理無自 而所思慮者又未必遂徒自勞擾祗見其不知命也 往而非事安往而非道人臣當即所遇以為其事 須矣

次でするとこか

明嬌言行録

支

自處審矣 道本無名姑以萬物萬事必由是以行故强名之曰道 理 道無不安矣為不能安於所遇在此念彼則不能以道 余在沅辰今一小童焼栗忽殼破聲爆可畏益熱氣在 非道入道自無欲始博文是明此理約禮是行此 得出故當裂而有聲先儒論雷霆之理益如此 とうて

為本 少言沈點最妙 無欲則所行自簡敬則中虚無物 厚重静定寬緩進德之基 不能感人皆誠之未至誠不能動人當責諸已學以静 故神太極也兩故化陰陽也 **沈静則含蓄義理深而應事有力** 之難處者正不必属聲色 與之辯是非較長短 惟

文己の屋とこう

明高言行鍊

幸

輕言輕動之人不可以與深計易喜易怒者亦然 不可承喜而多言不可乗快而易事 幾舒放即當收斂總言語便思簡點 涵養深則怒已即休而心不為之動矣 謹於自修愈謙愈約彼將自服不服者妄人也又何較 因喜而多言覺氣流而志亦為動 グラレル ノード **默最妙已心既存而人自敬**

MENDER LILLA 當乗快不覺多言至夜稅席不安益神氣為多言所損 又養得氣完而夢寐亦安 多言最使人心志流荡而氣亦損少言不惟養得德深 浩然之氣自生矣 與之合事幾入手便當思其發脫處事已往不追最妙 不可因人曲為承順而遂與之合惟以義相接則可以 聞事不喜不驚者可以當大事 能於言動事為之間不敢輕忽而事事處置合宜則 明君言于疑

作矣 養之深則發之厚養之淺則發之薄觀諸造化可見窮 金グにたんご言 也此雖近於修養之說然養德亦自謹言始 濯去舊見以來新意余在辰州五更忽念已德所以 安於故習則德不新須是盡去舊習從新做起張子曰 矯輕警脩只當於心志言動上 用力 冬大寒天地閉塞而元氣蓄藏既固至春則發達充盛 不可過若冬暖元氣露泄則春亦生物不盛而疫癘

然之性 Ca. Jana Jell 發奮誠心要做好人一切舊習定須截 断 萬起萬滅之私亂吾心久矣今當悉皆掃去以全吾湛 若胸中無物殊覺寬平快樂 大進者正為舊習經繞未能掉脫故為善而善未統去 惡而惡未盡自今當 則匪人矣 念之非即過之一動之妄即改之 明需言行録 刮舊習一言一行求合於道否 疌

常默可以見道 外物矣 勢無兩重之理此重則彼輕比輕則彼重故道義重則 為志此道使天下之物不能尚其庶有進乎 金万匹尼在書 所見既明當自信不可因人所說如何而易吾之自 其道義則此日重彼日輕積久唯見道義而不復知有 不 可强語人以不及非惟不能入彼將易吾言矣 物輕道義輕則外物重為學之士常使外物不能勝 信

愛幾不貫通便相問隔只知有已不知有物放 成不 闕而 Z 斯 德進則言 自簡 工夫切要在夙夜飲食男女衣服動静語點應事接 仁只是此心之理與萬物都相貫通故欣戚相關而能 無處欠元無止息一念之差心即放緩覺其差而心 間於此事事皆合天則則道不外是矣 須苟且即非敬矣心虚有內外合一之氣象 不能愛矣 明君言于取 四十 相

習舉業者借經書之文以 繳利達而不知一言之可用 金分四库全書 誠 Rp 念處一毫雜妄即非仁便當克去 有斯須之不敬則怠慢之心生而非禮矣有斯須之 所謂侮聖人之言也 倫明則禮樂與 正斯須心不在而動即妄矣 和則垂戾之心生而非樂矣故曰禮樂不可斯須去 卷二

くこうこう 思其作為如何乃有益竊謂為學亦然讀聖賢書於其 程子謂期月三年 字 知已 搖而難定易昏而難明者人心也唯主敬則定而 則作事不差幾二三則動作小事亦差矣况大事 一句皆當思其作為如何乃有益也 與物皆從陰陽造化中來則知天地萬物 11.17 世大國五年小國七年之類皆當 明儒言行欽 里 體 明

讀書 為思慮淺近則不足以造具益惟思慮無疆則可以得 高 之書猶 氣象清明二三則昏昧矣 思無疆為學思索義理者當深體之益義理深遠無窮 自家一箇身心尚不能整理更論甚政治 深玄遠之古易曰惟深也故能通天下之志主一則 (開口論天下事若指諸掌然自治空跳作事無本 不體貼向自家身心上做工夫雖盡讀古今天下 無益也将聖贤言語作 場話說學者之通患

金万匹屋と言

為 欠己ワーニン 徳性之學須要時時刻刻提撕警省則天理常存而 清心省事居官守身之要 欲消熄苟有一息之間則人欲長而天理微矣 有 雖數十年務學之功苟有一 洗心退藏于密以約失之者鮮矣 果能有成乎 欲則人得而中之惟無欲彼無自而 山九仞功虧 簣 明偽言行張 日之間則前功盡棄故曰 里

金ケロたとう 學至於心中無一 謹言乃為學第一工夫言不謹而能存心者鮮矣 也 愈昏矣如此讀書非徒無益是又適所以為心術之害 該博取勝於人吾知其記愈多而心愈室志愈荒而識 日命曰性口誠口道曰理曰太極一也 不察理之有無而沒讀一切不經歇雜之書務以聞見 語妄發即有悔可不慎哉 物則有得矣

欠けりらしたいす 置悉使合宜稍久則業廣矣 而 静而生陰●是也然無極而太極即陰陽中之太極陰 質之性也天地之性以不雜者言之故曰無極而太極 無 為學於應事接物處尤當詳審每日不問大事小事處 〇是也氣質之性以不離者言之故曰太極動而生陽 余於坐立方向器用安顿之類稍有不正即不樂必正 極而太極天地之性也太極動而生陽静而生陰氣 後已非作意為之亦其性然 明儒言行歌 里三

當乎理 觀太極中無 性氣質之性一而二二而一者也 陽中太極即無極而太極太極雖不雜乎陰陽天地之 不力行只是學人就話 之渣滓也 不能知止則耳 物不能礙天之大萬事不能礙心之虚 物則性善可知有不善者皆陰陽雜孫 日無所加手足無所措知止則動静各

次定四事全書 身心之功有餘力游馬可也 必敬者所以存天理也 程子作字甚敬曰只此是學益事有大小理無大小大 真非不可執以為先儒成說而悉從其言魯翳謂其言 有獨近理而大亂真者益調是也 程朱之外諸儒性理雜論尤當大著眼力以辨其真是 謹而小事不謹則天理即欠缺問斷故作字雖小事 詩作文寫字皆非本領工夫惟於身心上用力最要 明偽言行欽 野

若以太極在氣先則是氣有 斷絕而太極別為一 萬金之富不以易吾 開卷即有與聖賢不相似處可不勉乎 聽言雜則與之俱化遂失其正故貴乎聽德惟聰 生物之心 天必可得者當責之已人則然慈良之心即天地弱然 在外者未可必求在內者必可得未可必者 物而能生夫氣差是動静無端陰陽無始之謂平 日讀書之樂也 懸空 聴於

次ピリレンショ 懈意 大丈夫心事當如青天白日使人得而見之可也 若實見得雖生死猶不可異况取舎之間乎 疑定最有力 心誠色温氣和辭婉必能動人 只為拘於形體自小若能不為形氣所拘則內外 而不勝其大矣 毫加於本分之外乃知自於自伐者皆妄也 生即為自棄 明備言行欽 安支

德養身莫過於操心之一法也許魯齊詩曰萬般補養 斯須省察不至則妄念發 嬌之久則氣質變矣. 輕當為之以重急當為之以緩祸當為之以寬躁當為 以静暴當橋之以和粗當橋之以細察其偏者而悉 息不可不活養只在坐作動静語默之問 操而奉犯退聽一放而奉犯並與 則義理昭著而不味一 冬二 則神氣凝定而不浮養

欠いりる ハナア 之有味 敬 資而不可缺一也 居敬有力則窮理愈精窮理有得則居敬愈固 **幾收敏身心便是居德錢尋思義理便是窮理二者交** 於居敬而不窮理則有枯寂之病 不主敬則此心一息之間馳為出入莫知所止也竟 則有級擾之患 明儒言行欽 於窮理而不居 野

皆虚偽只有操心是要規惟心得而實践者乃知其言

解者皆是也當觀後人肆筆奮詞議論前人之長短及 言不及行可恥之甚非特發於口者謂之言凡著於文 知矣 恥之甚乎吾輩所當深戒也 夷考其平生之所為不及古人多矣豈非言不及行可 **未可輕議也** 典以欽之辭始益稷以欽之辭終則竟舜傳心之要可 好議論前革得失乃初學之大病前軍誠有不可及者

大巴口四一人 者也後學因見先儒有責備之言逐勒拾其說妄議韓 當韓子之時異端顯行百家並倡孰知堯舜禹湯文武 子若不足學者設使此革生韓子之時無先覺以放其 得其傳又孰知仁義道德合而言之又孰知人性有五 經發之身心見諸事業而伊洛真儒之所稱許而推重 釋氏濱於死而不顧若此之類大綱大節皆韓子得之遗 而情有七又孰知尊孟氏之功不在禹下又孰敢排斥 周公孔子孟軻為相傳之正統又孰知孟軻氏沒而不 明儒言行録 四十七

學諸君子游則其所立當不止是矣 道散之時無所講明切磋以底大就使生宋時得與道 韓子氣質明敏刚正樂易寬厚皆過於人但生於學絕 迷無定論以 又安敢窥韓子之門墙哉故論韓子之得失在周程張 をだりひ 輕加武議以取借安之罪也 朱數君子則可尚未及數君子皆當自責自求始未可 不能克己者志不勝氣也 其志吾見淪於流俗惑於異端之不暇

志固難持氣亦難養主敬可以持志少怒可以養氣廣 大虚明氣象無欲則見之 處事了不形之於言尤 妙 之萌滋矣 學者之心當常有所操則物欲退聽斯須少放即那 無義理以養心何所不至 無大小覺即克去

次でラインとす

明儒言行錄

哭

只是箇心性静則存動則應明白坦直本無許多勞

若無事者不可以處得其當而有自得之心若然則反 處事當詳審安重為之以艱難斷之以果次事了即當 當事務叢雜之中吾心當自有所主不可因彼之擾擾 為所累矣 擾若私意一起則支節横生而紛紜多事矣 處事最當熟思緩處熟思則得其情緩處則得其當安 而遷易也 たちした なって 但當循理不可使氣

次至四年 三方 乾以易知坤以簡能乾坤只是自然故易簡人能順自 步四步無不如此所謂敬也如行第一步而心在二步 行第一步心在第一步上行第二步心在第二步上三 然之理則易簡者可點識矣 為政當以公平正大行之是非致譽皆所不恤必欲曲 狗人情使人人譽悅則失公正之體非君子之道也 重深沈者能處大事輕浮淺率者不能 字不可輕與人一言不可輕許人一笑不可輕假 明備言行録 四九

行欲方截然有執心細客則見道心粗則行不著習不 謂敬無適之謂 至若寫字處事無不皆然寫第一字心在第一字上為 不言而躬行不露而潜修 三步之外行第二步而心在四步五步之外即非敬矣 事心在一事上件件專一便是敬程子所謂主一 欲大見義勇為心欲小文理客察智欲園應物無滞 與

學 ~ C. J. 慎恐懼如何為致知力行如何為博文約禮於凡天理 見道明體道力而無行不著習不察之與矣 為智孰為誠又當知如何為主敬如何為致恭如何為 之名皆欲識其真於凡用功之要皆欲為其事如此則 存養如何為省察如何為克已如何為復禮如何為戒 為和熟為情熟為道熟為德熟為仁熟為義熟為禮熟 體認之法須於身心之所存所發者要識其熟為中熟 不進率由於因循 明明与一 五十

程子親受太極圖於周子而終身不以語人其處遠矣 循循而不已者其有所至數 理氣間不容髮如何分熟為先熟為後 測之而無窮資之而不竭離之而不開斷之而不絕此 後學有未涉四書門庭者開口即論太極見心玄妙而 果何物耶推而上之莫究其始引而下之不見其終 何物耶竟不得而名也 知反求諸已其與有不可勝言者

金万四月全書

也 本無名謂有乎則視之無形也謂無乎則其來有本也 究竟無言處方知是一源不識理名難識理須知識理 萬物自微以至著 有本而無形則有而無矣無形而有本則無而有矣有 心得非他必自近始近莫近於吾身吾身百體皆可 地山川日月星辰萬物皆可見也而其所以為是則 可見也以不可見者語人孰信哉益必心得而後信 無無而有非真知有無為一體者不足以語之

.

りついま

盡去乎舊習最害事吾欲進彼則止吾之進吾欲新彼 金定匹库全書 地山川日月星辰萬物之理一也 則 吾奮然欲造其極而未能者其病安在得非舊習有未 作存作亡者是間斷之時多也 可見者為之主則百體皆失其職矣舉近以明遠則天 見也其所以為是百體之宜則不可見也可見而無不 理無不貫者仁也 旧吾之新甚可惡當刮絕之

でこう ここ 畏上帝不敢不正可見湯之伐夏一出於上天之公孟 亂想這便是睡時做工夫以至無時無事不然人心貴 畏之心而不可忽且如就枕時手足不敢妄動心不敢 斯 乎光明潔淨 道只在動止語默之間身外求道遠矣 心地乾净自然寬平 為學時時處處是做工夫處雖至微至陋處皆當存謹 須照管不至則外好有潜勾竊引之私不可不察予 川常二丁 宋

多好四库全書 英氣甚害事渾猛不露主角最好 工夫緊貼在身心做不可斯須外離 只觀人氣象便知其涵養之淺深 天下之心則非所以為湯矣 子所謂天吏是也夫豈有一毫利天下之心哉苟有利 所謂天向一中分造化也 圖虚中以為太極而兩儀四象八卦皆由是以生邵 要渾厚包涵從容廣大之氣象

端 讀前句如無後句讀此書如無他書心乃有 精粗本末兼盡所以為聖賢之學若合粗而求精厭末 處若見理雖明而不一 見得理明須 てこう ここ 無可依據之地曾點所以流於狂也 程所以接孔孟之傳者只是進修有序 求本所謂語理而遺物語上而遺下鮮不流而為 践履過則事與理相安而皆有著落 「寫一 亍俠 茂履過則理與事不相資終

事事皆天理 金庆四库全書 能孝弟否讀颜子問仁章便能非禮勿視聽言動否若 學而時習章便能學而時習否讀其為人也孝弟章便 讀書所以不見德崇業廣者只是講說不曾實行如講 不能如此只是講說耳 以鴻鵠之心讀書必不能造乎精微 只寡欲便無事無事心便澄然 不妄思一心皆天理身不妄動一身皆天理事不妄為

てき うこ 古語曰敬德之聚也此語最宜潜體益道妙莫測靡有 是静静便是氣豈可說理先而氣後也 理只在氣中决不可分先後如太極動而生陽動前便 在是而心亡無以察其妙耳 以識其妙耳心 惟敬則能凝聚得此理常 放即悠悠荡荡無所歸着 收而萬理咸至至非自外來也益常在是而心存 1.11. 放而萬理皆失失非向外馳也益 明常言于缺 在如心敬則凝聚得德 夸

也 在心上貌敬則凝聚得徳在貌上以至耳目口鼻之類 理既無形安得有盡 朱子曰聚散者氣也若理只泊在氣上初不是凝結 以異矣此敬之一字乃聚德之本而為践形盡性之要 無不皆然或有不敬則心君放逸而天德亡百體解弛 物則廢雖回有人之形其實塊然血氣之驅與物無 物但人分上合當然者便是理不可以聚散言也 白

多好四库全書

善皆已分之當為初與人一毫無與若絕為善即有求 義理精確明白發手筆之未發者則不可不考也 有形者可以聚散言無形者不可以聚散言 倫日用之常善觀者於此默識馬則其體洞然矣静思 理雖微妙難知實不外乎天地陰陽五行萬物與夫人 雜論不若讀朱子手筆之書為無疑然語録雜論中有 朱子語録稱論散見於諸書者甚多當時門人從旁記 録豈無一二之誤况傳寫之久乎當竊謂讀朱子語録 内 ニテホ

看太極尤分明不必專論於千古之上六合之外也 有大學之工夫則有王佐之事業 從事於主敬者斯得太極之妙 觀太極圖得一静字為處事之本 名之心乃人欲而非天理矣 看來理一齊皆具而無 只於身心口臭耳目手足動静應事接物至近至小處 網五常禮樂之本萬事之原 物能外之者

挺持自守者必君子攀援附和者必小人 ت 畫前之易冲漠無朕之中而萬象昭然已具也 比物便有此理原不相離 無毫髮欠缺無瞬息間斷 天地生人 可以有所求 無添無減無多無少萬古如是有此理便有此物有 則因器以識道 人物不是盡安排箇理來與他合下便已都定 月君言于海 Ŧ

聲香色味觸佛書所謂五欲世人之所貪彼欲滅絕者 金定四库全書 讀書固不可不思索然思索太苦而無節則心反為之 慎言語養德之大節飲食養生之大 君子法乾之健只無私便不息有私則息矣 不以禮制心其欲無涯 何那 而神氣不清如井泉然清之頻數則必濁凡讀書思 及其論聲香色味之盛又極人世之所無者而誇耀

ていりい こう 智此君子貴乎慎獨也 索之久覺有倦意當做襟正生澄定此心少時再從事 君子性其氣小人氣其性 三代之治本諸道漢唐之治詳於法 不善之端宣待應物而後見耶如静中一念之刻即 於思索則心清而義理自見思索太勢而不節暴其氣 一念之食即非義一念之慢即非禮一念之詐即 明高言行

業顯著而名望孚動於天下後世之人以私意小智自 韓魏 公范文正 公諸公皆一 金グレアを生 則 持其身而欲事業名譽比擬前賢難矣哉 外也 只於身內求道殊不知身外皆道渾合無間初無內 人之心應物即休元不少動 如鏡敬如磨鏡鏡鏡磨則塵垢去而光彩發心鏡敬 ,欲消而天理明 片忠誠為國之心故其事

敬則卓然 聲與色者而中心 忧 帷 薛子宴坐水亭忽鬱然而雲與翁然而兩集冷然而風 聖人治人不是將自己道理分散與人只是物各付物 然而聲其聲形其色薛子寫然深思獨得其所以為是 則光明 敬足以神明其德 餅然而蟲急羽者飛秀者植童者侍麟者適羣物雜 月點二十五

方為 金 好四库全書 凡有形者皆氣無形者皆理 人有才而露只是淺深則不露 愈收斂愈克垢愈細密愈 ,何言哉即無極之妙 為外物所動者只是淺 以持己謹以接物可以察過矣 合 事即欲人知淺之尤者 無纖毫之問 廣大愈深妙愈高明

程子論恭敬曰聰明睿智皆由此出益人能恭敬則心 道 而有容刀不自見其清清而不能容是自有其清而心 丙吉深厚不伐張安世謹慎周密皆可為人臣之法清 反為其所累矣 順 理都無一事 理浩浩無窮惟心足以管之 明廣大氣象到人欲淨盡處自見匪言所能喻也 理則泰然行之無所室礙不順理則鑿矣 **?** 順

金安四库全書 學道固自聖賢之書而入苟徒既心章句之間而不求 理明後見天地萬物截然各安其分 賢之為學皆不外乎是 之本也 逸四體放肆雖粗淺之事尚茫然而不能察况精微之 天地間至大者莫過於三綱五常之道帝王之為治聖 肅容莊視明聽胞乃可以窮衆理之妙不敬則志氣昏 予以是知居敬窮理二者不可偏廢而居敬又窮理

學至於約則有得矣 27.10:01 1.1.12 簡便短窄之衣起居動静惟務安逸外無所嚴內無所 古人衣冠偉博皆所以莊其外而肅其內後人服 意幾有向便失其正不可不察 有我之私極難克貴乎明與剛而已 自治之要寧過於剛 實理之所在則亦無以有諸已矣 鮮不習而為輕佻浮薄者 明陽言行法 卒 切

事茍其餘無不茍矣 程子曰人能克已則仰不愧俯不作心廣體胖其樂可 萬起萬滅而本體湛然有常者其心之謂與 誠志於學天其遂吾願乎 以誠感人者人亦以誠應以許御人者人亦以許應吾心 凡所為當下即求合理勿曰今日姑如此明日改之 知竊意顏子之樂亦如此 心本寬大無邊一有已私則不勝其小矣

Color Litt 每事能畏慎如此安有失者 **曾過一獨木橋一步不敢慢惟恐蹉跌墜失人之處世** 正以處心康以律已忠以事君恭以事長信以接物寬 有鳳凰翔於千仞之氣象則不為區區聲利所動矣 戲謔甚則氣荡而心亦為所移不戲謔亦存心養氣之 忍所不能忍容所不能容惟誠量過人者能之 以待下敬以處事居官之七要也 端恭而和處衆之道 明湖言行法 卒二

者讀聖賢之書但資以為詞章之用利禄之階而不知 一言之切於身心聖賢垂世立教之意果何在哉 聖賢垂世立教之意大要欲人復其性而己而後之學 大學之至善論語之一貫孟子之性善中庸之誠周子 静能制動犯能制浮寬能制編緩能制急 之太極言雖然而其義一也 先儒謂天包地外竊謂不但包乎地外實行乎地中是 則上下內外皆天也

金少正正人主

松二

也 欠いりられんか 所處之地雖静而心飛飋於外亦不得静也惟身在是 珠藏澤自媚玉蘊山含輝比涵養之至要 心病也 惟知止則心自定矣心有毫髮所係即不得其 而心亦在是則不擇地而静矣 於動處難得恰好幾動便有差所以發而中節為 外事與己本無干涉而與之擾擾俱則是所以為 明偽言行録 至

皆實理也知者鮮矣 骓 张而息其虚靈之知覺 慎言謹行是修己第一事 根壓但人心之得其正者即道心以其不流於人欲之 上知不能無人心聖人所謂無欲者非若釋氏盡去 所謂無欲也 不以隆冬大寒而息其生物之機緘人不以熟寝大 之逐物最能喪德故四勿以視居先

欠い丁ラシン 萬物統體一太極也川川各具一月光物物各具一 謂形容道體之言此類是也 莊子回至人之用心若鏡不將不迎應而不藏程子所 人譽之使無可譽之實不可為之加喜人毀之使無可 極也其統體之太極即各具之一本其各具之太極即 先儒月映萬川之喻最好喻太極益萬川總是一 全體之萬殊非有二太極也 學須有覺方得總會處 明儒言行録 空三 月光

イングにたノニー 與人言宜和氣從容氣忿則不平色屬則取怨 毀之實不可為之如威惟為於自信而已 見矣故為學要時時提醒此心勿令昏塞 心有開時開時見是理無物不有無時不然塞時則不 分外之事一毫不可與 人言以前却而易其守 人之自立當斷於心若實見得是當次意為之不可因 念之善景星慶雲一念之惡烈風疾雨

次定四車全書 一 其外者 之地 程子易傳質慈精深廣大微妙朱子本義亦有不能出 處應事接物之間必使一念一事皆出於實斯有進德 春秋最重民力凡有與作小大必書聖人仁民之意深 人於實之一字當念念不忘隨事隨處省察於言動居 將有為退必自修君子出處惟此二事 明備言行録 空

易矣 維天之命於穆不已者理一也乾道變化各正性命者 只是循天理便有序而和故仁者禮樂之本也 陰陽變易自人身以至天地萬物無時不然知此則 分殊也為學第一功夫立心為本心存則讀書窮理躬 ,践履皆自此進孟子曰學問之道無他求其放心而 程子回聖賢千言萬語只是欲人将已放之心收之 身來自能尋向上去皆此意也

沙定四年とこう 為飛魚躍是道理無一毫之空缺處逝者如斯不舍畫 學易只在語點動静之間須時時學之 子曰敬義夾持直上達天德此自為學之要也 夜是道理無一息間斷處 易不外動静 先僑曰慾心一剪便思理義以勝之即室慾之要也程 此故書以自勵 人為學至要當於妄念起處即過絕之子每當用力於

明儲言行録

华五

以處之 默而存之有得於心非所謂德乎立得脚定却須寬和 办 時時皆道處處皆道事事皆道不可離如此存養省察 絕謀利計功之念具心超然無緊 知道則言自簡 之功不可須臾或間也 夜氣如泉源清之數亦不能清矣君子所以貴乎存息

莊敬日强安肆日偷之語宜深體玩益莊敬則志以的 略有與人計較短長意即渣滓消融木盡 氣卓然有立為善豐豐不倦而不知老之将至安肆則 靡不立之志則甘為小人流於甲污之中而不能振拔 挺持剛介之志常存則有以起偷惰而勝人欲一有類 惟寬可以容人惟厚可以載物

沙定四軍全書 ~

明儒言行録

至

志氣昏情桑懦無力玩喝歲月悠悠無成矣

識量大則毀譽欣威不足以動其心 定見明自信篤可以處大事 誠意乎于未言之前則言出而人信之 事不可輕忽雖至微至易者皆當以慎重處之 惡剛正之人則人務容身而氣節消矣 之氣節全在上之人獎激則氣節盛尚樂軟熟之士而 必能忍人不能忍之觸忤斯能為人不能為之事功士 之法只觀含蓄則淺深可見

次定四軍全書 ~ 所謂動静無端陰陽無始也 天之四時貞下起元是也然静又根於動動又根於静 太極動而生陽雖自動處說起而其根却自静中 根也以至一 為呼之根呼為吸之根即陰陽之一動 外於人之一身哉 至誠以感人 呼者太極動而陽也一 一語 人猶有不服者況設許以行之乎 默無不皆然則太極陰陽之妙又豈 明備言行録 吸者太極静而陰也吸 静而互為其 至之

著者 之間斷 **夫之心與億兆之心同** 月星辰雨露風霆霜雪山川草木人物鳥獸皆鬼神之 四方上下往來古今實理實氣無絲毫之空隙無 氏成 用之謂之神但人由之而不知也 人皆知求鬼神於茫昧不測之間殊不知天地四時日 息之運與古今之運同一塵之土與大地之土同 息

一次を口いたす ! 人之 私矣 為義最精乃天理當然之極也須史失其止即人欲之 易言艮止書言安止欽止詩言敬止大學言知止止之 太極本只是天地萬物自然之理不外乎人倫日用之 間學者因其立名之高欲以玄遠求之誤矣 禀受一定而不易除也 繼之者善化育之始流行而未已陽也成之者性人 身四肢百體皆有當止之則得其止則安失其 明偽言行録 至八

其義而知所以同也 於聖賢言理處若天理若人心若性命道德誠善忠恕 名節至大不可妄交非類以壞名節 言戲謔後雖有誠實之言人亦弗之信矣 輕言戲聽最害事益言不妄發則言出而人信之為輕 之時則心無不存矣 貫太極之類要當各隨其方而知所以異又當旁通 一則危平旦虚明氣象最可觀使一日之間常如平旦 **堯舜禹湯文武之道非得孔子後世莫知所尊周程張** 應事幾應即休不可須臾留滞為心累 讀書惟寧靜寬徐鎮客則心入其中而可得其妙若躁 擾稿急粗略以求之所謂視而不見聽而不聞食而不 義理上念念不忘則天理熟矣 所以於義理生而於閒事熟誠移在閉事上之心常在 知其味者也馬足以得其妙乎 學者一日之間心在義理上之時少在間事上之時多

ヤコンコマ ハンラ

明寓言行張

介九

金げたたんだる 辭而得朱子之心學者許魯癬一人而已 道學者朱子也 學道則無天理人倫矣果何學平 自朱子沒而道之所寄不越乎言語文解之問能因文 其肯自貶其道以狗之哉 伊川為講官以三代之上望其君從與否則在彼而已 子之道非得朱子後世莫知所統孔子之後有大功於 聞道學之名不驗以為高則笑以為进且為學而不

次で可事人こう 偶見柳花悠揚高下因悟造化流行雍容自然之妙造 作事有力 化俞寂事 事來只順應之不可無故而先生事端 心要專 笑謔不惟亂氣而且亂心言謹則氣定心一言要專 化密移無一息之停常在目前人自不察 理則事自簡 則發育萬物有力人心寧静專一 明儒言行録 キナ 則窮理

氣質極難變十分用力猶有變不能盡者然亦不可以 静中有無限妙理皆見 當於心意言動上做工夫心必操意必誠言必謹動必 為難變而遂懈於用力也為學第一在變化氣質不然 不謹 慎內外交修之法也 只是講說耳聖人不怨天不尤人心地多少灑落自 能心在腔子裏則百事可精道無處不在故當無處 7:1:1: とこうる とう **火之累** 當悔者既不可追但不可再前可悔之事耳 取與是一大節其義不可不明不責人即心無疑水焦 所發於將發則無悔矣 懷勢 換無一時之寧泰與聖人之心何啻霄壤 康節曰思慮未發鬼神知不由乎我更由乎誰人能慎 無行所悔最為難事雜慮少則漸近道 人幾與人不合即尤人貌不得於天即怨天其心 窓 明儒言行張 主

發散人心非寂然不動則何以酬酢天下萬事哉格物 造 所得以行事者皆生來之氣習誠所謂書自書我自我 學舉業者讀諸般經書只安排作時文材料用與已全 與不學者何以異 無干涉故其一時所資以進身者皆古人之糟粕終身 在也天地問理無縫除實不可分 化人事皆以静為主造化非專一 知則豁然貫通處即所謂天下無性外之物而性無 **翕聚則不能直遂**

情得其正而中庸不可能矣故日用求中庸之道者不 為學只是要知性復性而已朱子所謂知其性之所有 理氣豈可圖而周子圖之非超然有得於圖之表者不 而全之也 中庸不可能者以人不能得性情之正也私欲盡則性 天地萬物分雖殊而理則一所以可格而致其知 外乎性情得其正也心每有妄奏以經書聖賢之言制 5 1

之一字無所不包當時時體認而力行之孟子所謂左 善即性也為善即所以盡性也為不善則失其性矣性 皆原於幾之善為禁約皆原於幾之惡 右逢其原者即此性也 天下古今只有一善而已人不為善何以為人 周子說幾善惡始於毫釐之間充之天壤之異為堯舜 能知程子終身不以示人其意微 周子論幾字如復之初九善幾也姤之初六惡幾也善

金好四库全書

莫之為莫之致皆當謹其在已者 為學之要在於知性善知性善則知所用力矣 孔子曰馬用殺論語二十篇無以殺字論為政者聖人 幾不可不充惡幾不可不絕朱子所謂近則公私邪正 之至要也 則廢與存亡只於此處看破便幹轉了此實治已治 仁心大矣 家於自修君子以莊敬自持則小人自不能近 明まっする

多方四库全書 當謹信而不可忽今人日用言行將謂小事都不謹此 隱羞惡辭讓是非之情隨事隨處必體認得了了分明 日用問身心切要道理只是仁義禮智之性發而為則 識高則量大氣盛則聲宏 德業之所以不廣崇也鬼神者天地陰陽之靈魂魄者 方為見道而無行不著習不察之患矣 孔子曰庸言之信庸行之謹以是知言行之至小者皆 人身陰陽之靈

尋思千能百巧都不濟事只無欲是高處 Van Drat Beste 論性不論氣不備有二說專論性不論氣則性亦無安 泊處此不備也專論性不論氣則雖知性之本善而不 克明文王曰若日月之照臨皆言明也 余近日甚覺敬與無欲之力 矣愚謂若無誠心則四端亦 無矣故學道以誠心為本 程子曰四端不言信者既有誠心為四端則信在其中 惟明為先書稱竟曰欽明舜曰文明禹曰明明湯曰 明寓言行張 岩四

盡心工夫全在知性知天上益性即理而天即理之所 可二之也若分而二是有無氣之性無性之氣矣故曰 無無氣之理亦無無理之氣氣外無性性外無氣是不 不明也二之則不是益理氣雖不柏雜亦不相離天下 知氣質有清濁之殊此不備也論氣不論性不明亦有 二之則不是 二說如告子以知覺運動之氣為性而不知性之為理 不明也如論氣質有清濁之殊而不知性之本善此

問 費是隱之流行處隱是費之存主處體用一源顯微無 從出人 1.10 con 1.11 知天上 無不貫苟不知性知天則一理不通而心即有礙又 不可見者隱也 如陰陽五行流行發生萬物費也而其所以化生之 極其廣大無窮之量乎是以知盡心工夫全在 仰天地無窮知斯道之大覺四海之小矣 能知性知天則天下之理無不明而此心之理 明清言丁录 千五 知性 何

止 所在 知止則定静安慮得相次而見矣 多グロアをき 恭之類皆是益止者止於事物當然之則則即至善之 止孝父之止慈君之止仁臣之止敬兄之止友弟之止 适 於成形而著張子曰其來也幾微易簡其至也廣大堅 凡大小有形之物皆自理氣至微至妙中生出來以至 知止所包者廣就身言之如心之止德目之止明耳之 聰手之止恭足之止重之類皆是就物言之如子之 怎二

200000 大而人倫小而言動皆理之當然幾有有為之心雖所 行合理亦是人欲 大道流行命也命賦於人性也性與心俱生者也性體 無為人心有覺故心統性情 間禹 錫薛文清弟子 格是知逐事逐物各為一理知至是知萬物萬事 字子與洛陽人正統甲子鄉薦仕至監察御史 理 明諸与丁碌 手


生之力也成化丙中卒所著有自信集或問先生與白 京國子助教監丞超陞御史提督畿內學政勵士以原本 為國子學正轉監丞干謁不行謫嶽州府經歷尋復南 清者授其弟子人多化之天順丁五內閣李文達賢為 良輔於文清文清曰洛陽似此兩人也難得但恐後來 年十九舉鄉書明年授昌黎訓導母喪處墓詔在於門 之學講明太極圖說通書使文清之學不失其傳者先 聞薛文清講學往從之遊補開州訓導遂以所受於文

金分四雄全書

蒲州得及薛文清之門終身恪守師說不敢少有踰越 歷陛户部右侍郎弘治乙卯卒年六十五少從父任之 文清殁後其文集散漫不傳先生搜輯較正凡數年 張鼎字大器陝之咸寧人成化丙戌進士授刑部主事 讀書録河汾詩文等編行於世 所著有自信集所纂述有晦庵要語二程全集薛文清 亦不負文清之所戒矣河東 Valland Litt 立脚不定往别處走觀先生所立雖未知其所得深淺 別儒言于文

成書 道以講學為事文清過超城先生以所得質之文清為 多に正人在書 出知太原府除豪點有循良聲按察河南振肅紀網奸 築墙植樹自內丘達京師由是境內肅清陝西 貪斂迹弘治初報巡撫保定時盗賊充斥行旅戒嚴刀 張傑字立夫號點齊鳳翔人正統字酉鄉為授趙城訓 所著有仕學日記自在詩文蠹稱博稿行於世 證明由是其學益深丁外艱喪差悉以禮屏去沒屠

次でうるとこう 勸先生著書者曰吾年未艾猶可進也俟有得為之未 生答詩亦有今宵忘般論收心之句學者争傳誦馬有 段容思堅贈詩聖賢心學真堪學何用奔馳此外尋先 固學事先生以鄉黨從遊頗眾不能遠涉他方辭之 為的用五經教授名重一時稱點於先生當道聘攝城 復有仕進意其工夫以添養須用敬進學在致知二語 年紀四十四此理未真知晝夜不勤勉遷延到幾時無 法鄉人化之服関遂以養母不出母喪異為責躬詩曰 明儒言行録



欠いうえんにす 越尋訪學問之人得閱禹錫白良輔以派文清之古瑜 薦已已英宗北 特應認指關上書不報自齊魯以至吳 山縣以弦誦變其風俗謂天下無不可化之人無不可 年而歸學益有得登進士第歸而讀書起五年出知福 防心慨然有學聖之志於是動作不苟正統甲子領鄉 年十四為諸生見陳仁明倫堂上銘奉居慎口獨坐 府 字可久陝西蘭州人景泰甲成進士仕至南陽知 明為言行录 キル

書其重家則授以小學家禮祀烈女进巫尼凡風教之 儒張貢士景純於微賤中躬勸之學後持成名儒女纓 吏不法者立按論民或良或 奸相宜訓治識王尚書鴻 變之俗六載而治行欝然可觀季文達薦之握知菜州 而殉夫死者二人自往祠祭民翕然向理南陽俗美至 有容思集柏軒語録先生為政尚教化先禮後刑諸屬 事無不盡心八年而後歸成化甲辰卒年六十六既西 府以愛去補南陽府建志學書院與人士講習源洛之

于今皇明 |沙世四車/ショー 先生當被酒杖一 者詩云風清雲净雨初晴南畝東阡策杖行幽鳥似知 當言學者主敬以致知格物知吾之心即天地之心吾 得者也 行樂意緑楊烟外兩三聲先生雖未當及文清之門而 之理即天地之理吾身可以参赞者在此其形於自得 、陳祥賛之曰文清之統惟公是廓則固私淑而有 一囚醒而忘其故是後飲即不答 明儒言行録 子

府史者當致公佐書府中知府段堅見公書奇而問之 學副使陳選異其文曰此經世之文非直舉子業也成 史對回里中王生書也坚即召見回子風神清徹宣愿 埃中人即留讀書府中續食授衣遣入郡學為諸生提 聰悟天成書過目成誦作字端勁有古法里人有為 王鴻儒疑蘇先生文莊公 部尚書 字懋學河南南陽人成化丁未進士仕至南京户

次のコラーハンコー 載以陶養為本以文藝為末抑浮崇雅先行檢而後詞 正德初致仕已已起國子祭酒不數月愛去服除改南 泰陵屬治思賢當與劉大夏論人材曰藩集中如王鴻儒 他日可大用大夏對曰此人才學不易得誠如聖諭 開發終日不倦士子翕然歸之石班與 華品源寫下電髮不與又好面誨人每生徒請益因材 化葵外發解河南第一筮仕南户部主事 弘治九年愈事提學山西十五年進副使提學在晉九 明偽言行欽 全

直能濟國事超名者亦趨利於社稷生民無益也時更 户部侍郎召入吏部以甄拔人物為己任當曰惟誠與 發背卒 部尚書陸完有才名與宸豫通公亟稱夏忠靖王忠肅 公於書無所不讀大要以窮理致用為主雖一字之異 亦必求其原而審其義之所安故其所得宏博與行 四年陞南户部尚書宸濠反武宗南巡勤勞王事疽 公賢可師法完意不悅未幾完果敗 ノニこ

欠とりったいう 養交之私上下遠近成稱為君子 疑察筆語 生顧憂飲泣雖在貴顯如困葛萬受嚴却介之義薦絕 支浮目所真觀步必優之是時邊武得權政門頗雜先 務決成敗可否通室如探囊指掌至誠待物和而有禮 交發互益其於六經沛如也 不問人私人亦不敢以私問也先生置朗光大大言無 祖宗設政用人及先輩立朝行已歷歷能言至論時 明偽言行法 华二

六十四卦者八卦之蘊也八卦者兩儀之蘊也兩儀者 乾道變化者五月一陰生乾道變矣六月二陰生乾道 太极之益也 捣謙行之謙也鳴謙言之謙也 乾之 利貞也 再變矣至十月則乾道變極陽盡而純陰以成坤卦所 たっちになる言言 下武自三后言之也三后在天武王在下故曰下武衛 化也此正秋冬之時百穀草木各正性命保合太和

當為夏之二月豈可取麥者乎畢尊陽也在作儀尊陰 SCI. Varior Letters 孟子之學明在于事親事長而幽極於知性知天上下 堂下以除為主也 麥熟之時故曰取溫之麥若依趙氏謂時月皆改則此 本末一以貫之此所以為醇乎醇之儒也彼莊老者幽 也在西堂上以陽為主縣鼓陽也在西應鼓陰也在東 武公諸候也其詩乃見於雅益為王卿士時也 左氏隱三年四月鄭祭足的師取温之麥按夏四月正 明備言行錄 全

意表而時亦以文章氣節歸之大文章氣節皆自學問 謂孟子善是性而惡亦是性竊自謂不謬於尼山或亦 太盛而不得與李延平胡叔心等同列沒川王子生平 孫夏峰曰司馬實范希文理學之宗也議者謂其功業 中來烏可錄其末而遺其本至謂周元公主静而遺動 之學不為守先哲以格自得之識故語議煥發多出人 二致首尾衡决世儒方且尊以為聖哲豈知道之論 とこうころ とこう 論學時往聽馬可久弱以聖賢可學而至教示方途逐 道宗西安李錦薛敬之成信重之 究通五經篤信力行存省真純發言不妄見者稱曰濂 洛關閩君子也諸儒初猶與坐講既為畏友遂為遠適 年十二聽人講大學首章奮然感動聞段可久集諸儒 自任之過也 周桂一作小泉先生 字廷芳秦州人為臨洮衛軍士成蘭州 蒽 明陶言行歌 公四

多にんとう 本軍見役死不敢避若欲訓子禮無往教始令子就學 後移居其州之小泉深衣幅中動必以禮成紀之人熏 順侯吳瑾鎮陝是為本軍總兵延公訓子累請不赴曰 又受學於安邑李泉泉舉賢書教諭文清之門人也恭 過平逆旅舎而遺風餘韻猶在隴西問廷芳之於可 若朱紫 陽之於蔡元定也始若張橫渠之於范仲淹 其德而可久時時過訪之追老以父雲遊四方訪求 、鄭安鄭寧皆乞除樂籍從周先生讀書其感

築幽居深更深養道不干軒晃貴讀書採取聖賢心何 泉泉水隔烟蘿 我未除塵俗病欲煩洗雪起沈疴白雲封鎖萬山林下 クスラブニ **閩濂洛待君尋** 為有大如天地須信無躬自古今欲鼓遺音終絶後 源動鼓洛川波風埃此子無由入寒玉一 如此成化戊子容思至小泉訪之不遇留詩而去小 甚衆薛敬之王爵最著 2111 濯冠缨 明儒言子承 **浩歌細細静涵泳泗脈源** 弘清更多老 玄

多けてんとこ 母相繼殁徒既奔奠時大雪盈尺日行泥海中不知避 **丙戌貢入太學時白沙亦在太學一時相與並稱聞父** 五歲即喜讀書居止不同流俗鄉人以道學呼之成化 生有異狀長大雄偉鬚髯修美左膊有文字黑入膚內 母嗜韭母殘終身不食韭丙午謁選山西應州知州勘 薛敬之思庵先生 **划續時循田野寮無力者給以牛種及不能婚葵者** 字顯思陝西渭南人貢士仕至金華府同知

沙世四草主 聲如雷鳴尤雅重學校數至學舎為諸生言孔孟旨意 同知東南學者如陳聰輩數十人皆揾衣門墙居二年 人始知身心性命之學奏課第一弘治丙辰隆金華府 家塞平地暴水湧出幾至沈陷亦為文祭告水即下洩 南山有虎患做昌黎之鳄魚為文祭之旬日問虎死蕭 補華其屋盧與居人立義塚以處流民之死于道路者 告助之又兼積蔬栗不三四歲栗至四萬餘石乾流數 萬餘斤年飢民免流亡逋而歸者三百餘家皆與衣食 明儒言行録 옻

先生從周小泉學常難鳴而起候門開洒掃設坐至則 道學基統冰泗言學録爾雅辨音田疇百咏集歸來葉 思索凡有所得如横渠法即以劉記所著有思庵野録 及演作定心性說諸書其言多有補于名教云原傳 致仕正徳戊辰卒年七十四日文商 公嗜道若能老而彌寫好與人講娓娓不置又好静坐 以請教故謂其弟子曰周先生躬行孝弟其學近於 洛吾以為師陝州陳雲遠忠信狷介凡事皆持敬吾 な

心也即腔子內亦未始不是氣耳對索義 是氣惟心無氣氣中靈的便是心則又歧理氣而二之 也氣未有不靈者氣之行處皆是心不僅腔子內始是 特詳於理氣其言未有無氣質之性是矣而云一身皆 以為友吾所以有今日者多此二人之力也先生之論 住按先生惟心無氣一語固不識心黎洲氣之行處 心可乎孟子曰夫志氣之帥也朱子曰心者氣之精 即是心亦有病試觀陰陽五行之氣無處不到謂即是

次記日華 至

明儒言行録

天地無萬物非天地也人心無萬物非人心也天地無 思卷野绿 极圖明此性之全體西勢狀此心之大用 無個大小且指 古聖賢非是天生底只是明得此心分時 而自不能不物物人心無事而自不能不事事而 뢪斯為不易矣 都是那根上出來便是小德 物始根便是大德發生條建千枝

氣化人事不可歧而二之須相參而完之然後可以知 哉氣 化然也 也天本無心以人為心聖人本有心以天處心其未至 於聖人者可不盡希天之學乎何謂希天曰自敬始 雨赐燠寒風之有無見得天無心處風雷變化氣使然 天道消息世道隆替 下只是一 佳 按程子曰天地無心而成化言化成於自然而非 個名利關住札了壅住多少俊才可勝嘆

次でうるという

明儒言行欽

文

在天之風霜雨露者陰陽之質在地之草木水石者剛 剛柔一 桑之質在人之父子君臣者仁義之質陰陽一 能奪雖有所為亦不能動 凡所作為動心只是操存之心未篤篤則心定外物不 見天地之心乎静極而動天心刀見非孔子之言與 孰謂天無心哉 大地有心為之也非謂天本無心也 復之彖曰復其 仁義也陰陽氣也離那質不得剛柔質也離 だ言 刚桑也

次足四東文一 氣之不相離也 時了期就見得天命不已氣象出來 然章主於氣牛山章主于性學者互相放之有以知性 偶觀各實會得一本萬殊道理當時種得只是一本如 氣不得仁義性也離那氣質不得未有無氣之質未有 夜氣與浩然之氣不同彼以全體言此以生息言但治 今結了百千萬個不亦殊乎一本萬殊萬殊一本有甚 無質之氣亦未無氣質之性 明儒言行録 分九

學者始學切須要先識得此心何物此氣是何物心主 養萬物而亦自為氣之主 得氣是如何氣役動心是如何方好着力進裏面去 欲便却昏蔽了連本體亦自味塞如何能照管得物 心本是箇虚靈明透底物事所以都照管得到一有私 天高地下萬物流行分明個禮樂自然 心東氣以管攝萬物而自為氣之主猶天地東氣以生 德川流是已發之中時中之中也大德敦化是未發

太极也 聖賢千言萬語須體貼向自己身心上方覺有味若不 2.10in 1 1 如此只是做一場話說 其德則曰天德曰命曰道曰理曰德名雖不同本諸 赋予萬物生生不已則曰天命化育流行各以其時則 曰天道冲漠無朕化育自然則曰天理生物不已各有 之中大本之中也 周程之書便能疏通心渠了脫海垢自然令人會省 別需言于東 九十

金万正左 全書 習殊别 觀諸孔門問答可見師之教弟子之學都只是尋討箇 斯夫氣象道德之學師天地也氣象自與功名富貴之 牽轉活動處 理氣不可見即於指前雀躍觀之便是誠之不可掩如 周易 明理以著 象春秋因事以索理 正當底心心外無餘事 仁只是心求仁非一方也但心有所存主處便是求仁

J. 17. .. J. 11 尋之一字謂非見道脫洒分明實有如何道得出 茂叔命程子尋仲尼顏子樂處所樂何事然樂非可尋 文王時開口便把天地萬物撥別出生意以用言也 伏義只是在天地萬物上模範出箇位次以體言也到 李錦介養先生 狐讀書知大義受學於周小泉得聞先儒要古遂棄 府同知 字在中陝西咸寧人天順壬午舉鄉薦仕終松江 明的言行水 华二

成敬服之 成名士 所居僅敬風雨至於屢空臨財終無苟取郡大夫魏米 數十斛皆辭之善誘後學解經不為鑿說出其門者皆 記誦辭章之習以窮理主敬為學知行並進閣中學者 后憂時巡撫余肅敬請教其子先生以<u>齊</u>衰不入 伏闕訟冤由是名動京師馬理改 太學祭酒那讓深器之讓坐事下獄先生率六館之 西通志

金厂工厂手音

欠い可見にう 再訪小泉於秦州印證所學設疑辨難叩應不訛小泉 性剛介不妄交接不苟要約義之所在確然自信不以 年五十 固解肅敏聞其喪不能舉轉以二都先生卻其一 毫挫於人 因喪為利也成化甲辰謁選松江府同知後二年卒 服而去小泉當難之日有人親病劇思食 不得鄰人有種者非竊不獲將竊之乎答曰辱身以 明備言行錄 华二 梨求諸 口不

金グロスとこで 自 其為學務窮性理體之身心不好立語言文字以故没 似原思草澤問聞者以為知言 而督學虎谷王公賦詩弔之有云化如和叔詞章外貧 之日遺藻無存沒十年而楊文襄公督學關中表其墓 及其親非孝也小泉是之 王爵 少潜心力學長從周小泉游而知操存之學郡守秦 字錫之陝西秦州人弘治初國子生仕保安州判

REDIOL LEAD IN 衣菲食坦如也州人成稱之政西 當日不憚勞民服其治後秦公總督原州聘至鎮居三 敬為本弘治初以國子生任為保安州判出納公會計 年交如一日及歸贈以揚州鹽引數百石力解之而惡 王學寫行高風節標表江右洪武二年子改以明經薦 公紘與語悅之時與講操存之要及教後學切切以誠 王沂 字子與泰和人 明偽言行妹 华

富精察言之明而履之確也隱居教授辟舉皆不就而 通百氏於天人之微聖賢之蘊古今治亂成敗之道蓄 簡理盡又無不樂就馬沂幼讀孟子即辨於義利稍長 堂出必為行身長玉立巍冠褒衣檐如也人望之如神 授福建鹽運副使已兄弟俱反初服恭受隆洽居必一 官監察御史明年沂以學行薦為說書既至上書論事 見之無不肅然起敬者至接人色莊氣温雍容都雅語 節受周易業精自六經至濂洛關閱書靡不竟完旁

及於孔門則風雾之詠歸端章南之禮樂固將進退綽 成劉雲章稱其淵乎玄酒之在尊凛乎太阿之未出匣 夷於易其操不以貴賤二其節學者稱為竹亭先生安 然而特視所合何如耳宋學士濂稱其履塗轍之正抱 灣乎其清而絕之勿竭薰 乎其和而即之勿可狎也使 未嘗啟口及人過失而執範自然不絕削而合也不以 毅葆醇而蹈道孝友為至歲時葵祭循古禮燕處深嚴 從學者愈衆隨材而寫領竭底裏故往往有成東剛守 明當言了張 たよ

貞和之素融融乎森森乎不可企也其為文根抵諸經 濡猛百氏有益乎倫理不與乎物則類其為人云 明儒言行録卷